

明

清

史

料

丁編

第二本

明清史料目錄

丁編第二本

一百零一至二百葉

敕諭海澄公鄭成功稿	一〇一	浙江巡按葉舟揭帖	一三三
兵部尙書噶達洪等題本	一〇二	舟山將官投賊殘揭帖	一三三
兵部尙書噶達洪等殘題本	一〇三	戶部尙書交羅郎丘等殘題本	一三四
候代浙江福建總督劉清秦密揭帖	一〇六	吏部尙書宗室韓岱等殘題本	一三五
勅諭世子吉都征勦鄭成功稿	一〇八	刑部尙書圖海等題本	一三六
江南江西總督馬國柱殘題本	一〇九	浙江福建總督修代殘題本	一三八
浙江巡撫秦世禎殘揭帖	一一〇	候代福建巡撫宜永貴殘題本	一三〇
福建巡撫修國器揭帖	一一二	戶部尙書交羅郎丘等題本	一三三
浙江福建總督修代殘題本	一一三	刑部題廣東巡撫李棲鳳疏殘本	一三三
山東巡撫耿焞揭帖	一一四	福建巡按朱克簡密奏本	一三四
山東巡撫殘揭帖	一一八	浙江巡撫秦世禎揭帖	一三五
定遠大將軍世子致左路總兵馬進寶等諭	一二九	候代浙江福建總督修代揭帖	一三七
浙江巡撫秦世禎題本	一二〇	廣東巡撫李棲鳳殘題本	一三八

浙江巡撫秦世禎揭帖

一四三

僞海鎮總兵顧忠等就撫殘件

一三三

戶部尙書孫廷銓等題本

一四四

管戶部尙書事車克等題本

一四四

刑部等衙門尙書圖海等殘題本

一四五

浙江巡按王元璣題本

一四五

票擬王益朋參馬進寶疏旨意

一四七

管戶部尙書事車克等殘題本

一六六

江南提督馬進寶殘奏本

一四八

會勦揭陽閩寇殘件

一六九

江南江西總督馬鳴珮奏本

一四九

內秘書院典籍廳文移簿殘葉

一七〇

兩廣總督李率泰揭帖

一五二

浙江福建總督李率泰揭帖

一七一

兵部尙書梁清標等題本

一五四

隨征舟山回京候敘中書宋徵璧呈中堂文

一七二

申嚴海禁勅諭

一五五

浙江巡撫陳應泰揭帖

一七三

浙江巡撫陳應泰揭帖

一五五

浙江巡撫陳應泰揭帖

一七五

南贛巡撫修國器密揭帖

一五七

浙江福建總督李率泰揭帖

一七六

兵部揭帖

一五九

平南將軍趙國祚揭帖

一七九

勅諭海澄公黃梧稿

一六〇

福建提督馬得功揭帖

一八一

浙江巡撫陳應泰殘揭帖

一六一

右都督蘇明揭帖

一八二

恢復舟山功次殘件

一六二

山東巡撫耿焯密揭帖

一八三

江南江西總督郎廷佐揭帖

一五

江寧巡撫張中元揭帖

一六

平南王尙揭帖

一七

福建巡撫劉漢祚揭帖

一八

南贛巡撫殘揭帖

一九

福建巡撫劉漢祚揭帖

二〇

浙江總督殘揭帖

二一

明清史料

丁編第二本

一百零一至二百葉

敕諭海澄公鄭成功稿 六月二十八日用寶（順治十一年）

皇帝敕諭海澄公靖海將軍鄭成功自古識時俊傑遇推誠待人之主披肝效順矢忠勿二方能建立事功身名俱泰未有猜疑觀望可稱識時知命者朕承皇天眷佑奄有萬方海陬一隅何難偏師戡定但閩嶠蒼生皆吾赤子不忍勤兵又念爾父鄭芝龍投誠最早忠順可嘉故推恩延賞封爾公爵給爾敕印俾爾駐劄泉漳惠潮四府撥給遊營兵餉養爾部下官兵朕之推誠待爾可謂至矣爾自當剃髮傾心義不再計今據爾疏奏雖受敕印尚未剃頭冀望委畀全閩又謬稱用兵屯劄舟山就近支給溫台寧紹等處錢糧詞語多乖要求無厭乃復以未撤四府官兵爲辭爾尚未歸誠豈有先撤四府官兵之理爾若懷疑猶豫原無歸順實心當明白陳說順逆兩端一言可決今如遵照所領敕印剃頭歸順則已如不歸順爾其熟思審圖毋貽後悔特諭

臣等謹將所擬章程繕具清單呈請御覽

竊臣等查得前經奉旨開辦之各項工程，現已屆期，應即分別辦理。其應辦之工程，如：一、修葺宮殿，二、修葺園林，三、修葺倉庫，四、修葺衙門，五、修葺學校，六、修葺寺觀，七、修葺橋樑，八、修葺道路，九、修葺房屋，十、修葺器皿，十一、修葺衣服，十二、修葺食物，十三、修葺藥物，十四、修葺書籍，十五、修葺文牘，十六、修葺器用，十七、修葺什物，十八、修葺雜項。以上各項工程，均應分別辦理，以昭大信。其應辦之工程，如：一、修葺宮殿，二、修葺園林，三、修葺倉庫，四、修葺衙門，五、修葺學校，六、修葺寺觀，七、修葺橋樑，八、修葺道路，九、修葺房屋，十、修葺器皿，十一、修葺衣服，十二、修葺食物，十三、修葺藥物，十四、修葺書籍，十五、修葺文牘，十六、修葺器用，十七、修葺什物，十八、修葺雜項。以上各項工程，均應分別辦理，以昭大信。

臣等謹將

所擬章程

繕具清單

呈請

御覽

兵部尙書噶達洪等題本

兵部尙書固山額真臣噶達洪等謹題爲沿海武備難弛重地設防宜早謹再陳末議仰祈聖鑒事該工科給事中張王治題前事內稱竊覩我國家安內攘外倍極綢繆惟是海寇出沒爲東南大患臣前有設險先防要害等事一疏略陳兩浙情形未及大江以南也江南片土如常之江陰靖江孟河蘇之福山鎮之丹徒江流與海水相接賊窺利乘便揚帆可直入也蘇之劉河吳淞崇明松江之崇缺金山青村^柘拓林或逼近邊海或潮汐通海賊獸聚鳥散無時不風鶴也以故賊之害四郡受之制賊之命防賊之衝亦惟四郡之提督鎮將能扼拒之前逆賊窺我無備闖入吳淞直犯上海搶掠焚劫一方塗炭可爲前事之鑒矣臣以爲欲固其圉必專其責欲專其責必重其人賊之竊發大約在春秋兩汛今年水旱洊災洪濤汎濫幸賴皇上之威靈督撫之調置逆鋒不至再騁若不恃我之有備而恃彼之不來恐財賦重地百萬生靈未可守常習故以皇上之封疆再試也况秋期雖過轉眼即當春汛以兵單船少之地見支左詘右之形則設防修備所係匪小應請勅下該部星行督撫責成重帥擇人審地相機圖度何處可設偵探何處宜宿重兵何處船丁宜益何處船丁可調勿蹈已覆之轍勿徂目前之安庶先事而圖臨期弗致周張錯亂我皇上可少紓南顧之憂矣如果臣言不謬伏乞勅部速議施行等因順治拾壹年玖月拾捌日奉聖旨兵部議奏欽此密封到部該臣等看得科臣張王治條陳江南防海事宜內稱秋期雖過轉眼春汛請行督撫諸臣設防修備審地擇人所當如議嚴行申飭者也謹密題請旨順治拾壹年玖月貳拾陸日兵部尙書固山額真臣噶達洪尙書臣張秉貞左侍郎臣李呈祥右侍郎臣黃徽胤啓心郎臣介山臣劉斗

兵部尙書噶達洪等殘題本

(上缺)逃以致被燬此陣亡兵丁船隻焚失之數歷經塘報在案總之賊踪突犯衆寡懸殊加以風順潮長被此衝擊之時因各船貼駕水手多係僉拘見賊船突至紛紛浮水脫逃在船官兵不能駕使是以臨賊參差非捍禦之不力也至於疎防將備在當日本道目擊最真自能一一指摘無俟本鎮之贅及也今准前因相應移覆等因到道准此該本道副使黃澍看得前任部院陳都御史自玖年叁月中旬駐節溫陵調遣征勦於水師壹件苦心密算慘淡經營可謂極矣初遣泉州水師中軍都司金士福往□□□料理各灣漁船以待范鎮暨浙江孫□鳳等水師之至伍月中旬始獲取齊一切料理行糧催辦水手人力物力耗費不爲不多責成不爲不專今日賞兵明日犒將精神在水師者拾之捌矣伍月拾捌日各將以遇敵失風復奔吉蓼又費幾許人力物力各船始集於石頭街石頭街去城南拾里蓋水路到泉之要害也前部院以陸月初拾日督陸路之兵往同安接應本月貳拾貳日水師遂有失事之警查當日布置情形以金士福久駐泉州頗知水道其所領泉州戰船及各漁船逼近海口派爲頭陣孫繼鳳領浙船繼金士福之尾派爲貳陣范鎮領閩安船繼孫繼鳳之尾派爲叁陣前部院初約以頭陣□□貳陣救援貳陣遇賊叁陣救援申飭不啻再三各營亦已受命及貳拾貳日賊艘從海口逼犯首當金士福之船士福已戰歿而在後之船並無壹隻往救惟見兵丁水手跳岸以逃奔大艦小舟掛帆而急遁以致賊艘乘勢直追至南門之下我兵將之不盡逃舟艦之不盡焚者倖也茲奉憲檄細查若責以無救應則貳陣之船不得辭咎若責以先逃則叁陣之船亦難卸責此可不兩言決矣本道目擊最真何能爲諸將諱乎計失船之數泉州水師失官船叁隻沙格吉蓼漁船叁拾捌隻馬脚船肆隻浙師孫

繼鳳失船貳拾壹隻閩安范鎮失船叁拾陸隻泉州水師現在戈船拾貳隻馬捷船陸隻浙江水師現在官船拾隻趕繪叁隻閩安鎮水師見在官船貳拾隻趕繪船捌隻此戰船存失之大數也計陣亡官兵戰歿逃去之數陣亡官貳員泉州水師中軍都司金士福投誠官倪起龍泉州陣亡戰兵李天龍等拾貳名守兵常魁等拾叁名脫逃被擄戰兵高珠等貳拾貳名守兵及水手高商等壹百單壹名閩安水師陣亡戰兵貳名守兵叁名脫逃守兵王上池等肆拾伍名浙江水師孫繼鳳報稱所失官兵不一惟現在官兵陸百伍拾員名查其原領全數共壹千捌拾捌員名則所失者肆百叁拾捌員名矣守備王嗣昌修國樑皆部院標官暫撥協助浙江水師者國樑所領嘉嚴兵丁貳百名今陣亡伍拾名嗣昌領本標兵貳百名今陣亡肆拾名孫繼鳳員下把總毛瑞隆帶領兵丁水手數百人東逃無蹤此官兵陣亡逃失之大數也火藥銃砲米糧之數泉州水師失盔甲肆頂副棉甲壹拾貳身火藥壹千叁百餘觔砲子大小共叁百伍拾餘個閩安鎮失鐵砲陸位肆號鐵砲拾位百子銃拾伍門火藥約叁千餘斤浙江水師所失火藥銃砲不計惟糧米壹項閩安鎮失米叁百叁拾捌石捌斗零此火藥銃砲糧米之大數也賊艘直薄南門范鎮登岸一戰獲一巨艦殺其數賊以遏狂氛頗有桑榆之効而泉水師千總之馬孟勝亦有力焉金士福業已戰歿其所失者應查并報其餘情形較若列眉本道亦言其實者而已合就移覆本司煩爲查照轉詳施行等緣由到司經前司按察使王顯祚覆勘又移分巡興泉道確查去後屢經嚴催該道僉事林中寶又抄原由移覆本司尤恐不的復經再移確查及差役前赴該道將塘報石頭始末文卷備吊過司細查前任興泉道副使黃澍備叙塘報查看通詳看語即係前抄移司看語查對相同今該本司署司事驛傳鹽法道副使秦嘉兆查看得前部院陳都御史統師進漳即知石頭街爲泉州要衝將閩浙

水師分防扼守申飭諄切布置周詳不意玖年陸月貳拾貳日賊艘突至我軍損失較多今奉旨行查移准分巡興泉道抄覆前任副使黃澍原詳看語其中失事情形該道目擊最真原詳鑿鑿可據事關具奏尤恐不的再移確查及差役弔取到該道石頭原卷前來查其當日所領水師之由水師原派戰船叁陣遇警議以協勦頭陣則泉州水師中軍都司金士福率之貳陣則以浙江水師孫繼鳳繼之叁陣則閩安總兵管副將事范紹祖殿之籌畫未嘗不善胡爲金士福頭陣失利後船並無援救貳陣雖有先後緩急之分恐各難辭應得之罪也然而損失傷亡數目該道已爲條分縷析矣本司案而覈之如各陣戰船泉州水師失官船叁隻沙格吉蓼漁船叁拾捌隻馬脚船肆隻現在戈船拾貳隻馬捷船陸隻浙師孫繼鳳失船貳拾壹隻現在官船拾隻趕繪船叁隻閩安范鎮失船叁拾陸隻現在官船貳拾隻趕繪船捌隻通計共失戰船壹百零貳隻現在戰船共伍拾玖隻如各陣官兵戰歿官貳員金士福倪起龍泉州陣亡戰兵拾貳名守兵拾叁名脫逃被擄戰兵貳拾貳名守兵及水手壹百單壹名閩安水師陣亡戰兵貳名守兵叁名脫逃守兵肆拾伍名浙江水師孫繼鳳報稱所失官兵不一該道查其原領壹千捌拾捌員名據報惟現在官兵陸百伍拾員名所失肆百叁拾捌員名守備修國樑所領嘉嚴兵丁貳百名今陣亡伍拾名王嗣昌領本標兵貳百名今陣亡肆拾名通共陣亡官貳員兵丁柒百貳拾陸員名又孫繼鳳員下把總毛瑞隆帶領兵丁水手數百彼時逃走無蹤如火藥銃砲之數泉州水師失蓋甲肆頂副棉甲壹拾貳身火藥壹千叁百餘觔砲子大小共叁百伍拾餘個閩安鎮失鐵砲陸位肆號鐵砲拾位百子銃拾伍門火藥約叁千餘觔浙江水師所失火藥銃砲不計及查糧米所失閩安鎮失去糧米叁百叁拾捌石捌斗零是皆與泉道查明石頭街所失之數也至若南門之役范鎮能於金士福戰歿之後

同馬孟勝追殺擒賊蘇美郎等併獲犂繒船壹隻大砲叁門百子砲肆門長鎗肆拾桿火藥貳罈烏鎗壹門腰刀貳拾壹把棉甲柒頂范鎮留營存用銀壹百貳拾陸兩稻穀貳小艚袖衣拾壹件范鎮給賞有功官兵紗帽員領錫石僞關防僞劄白石帶角帶印綬大旗藍袖蟒皮盔皮甲鐵甲等物范鎮移送黃巡道發泉州府貯庫外此卽石頭街所得之數也等因呈詳到臣該臣□得海寇逼犯漳州前督臣陳錦躬督陸路之師直趨同安以解漳圍計賊必從海道索制我師而議其後石頭街爲泉州要衝調集水師布置叁陣以扼其闌入首則水師中軍都司金士福統之次則浙江遊擊孫繼鳳統之叁則閩安總兵管副將事范紹祖統之所以壯聲援而備戰守籌畫不爲不周但據當日舟工水手皆取辦於咄嗟以不習之樓櫓當慣戰之風檣乘潮御風堅脆之勢分矣賊艘從海口突犯金士福首銜接戰失利殞軀而貳陣叁陣相率潰散遂無救援范紹祖棄船復邀之於陸然所獲不償所失均難辭於喪師失律之愆矣今奉旨行查當日失事情形以戰艦言之金士福失船肆拾伍隻孫繼鳳失船貳拾壹隻范紹祖失船叁拾陸隻共失船壹百零貳隻以官兵言之金士福失戰守兵貳拾伍名脫逃被擄戰守兵及水手共壹百零貳拾叁名范紹祖陣亡戰守兵共伍名脫逃守兵肆拾伍名孫繼鳳失兵肆百叁拾捌名守備修國樑失兵伍拾名守備王嗣昌失兵肆拾名戰歿官貳員則金士福與投誠倪起龍共失官兵柒百貳拾捌員名更孫繼鳳標下把總毛瑞隆帶領兵丁水手共數百名全部奔遁以火藥銃砲言之金士福失盔甲肆頂副棉甲拾貳身火藥壹千叁百餘觔大小砲子共叁百伍拾餘個范紹祖失鐵砲拾陸位百子銃拾伍門火藥三千餘觔孫繼鳳所失火藥銃砲難以數計以糧米言之范紹祖失去糧米叁百叁拾捌石捌斗零此係與泉道載在原卷復經按司屢行覆覈之數也至於范紹祖與千總馬孟勝南門之外背城一

戰稍有奪獲以挫賊鋒不足贖敗颺之愆除原獲船隻刀銃銀穀紬衣等物查係范紹祖留營存用併犒賞官兵訖錫石僞關防等物貯存泉州府庫外既經該司查詳前來臣謹會同浙閩督臣劉清泰合疏具題伏乞勅部議覆施行等因順治拾壹年陸月初貳日奉聖旨兵部知道欽此密封到部送司案呈到部案查玖年拾月□臣部密覆福建按臣王應元題爲海賊入犯石頭壹疏令該督撫確察失事情形併疎防將備職名去後今據撫臣佟國器奏前來該臣等看得海寇入犯石頭街前督臣陳錦布置叁陣互相救援頭陣以署都司僉書金士福統領貳陣以外委遊擊孫繼鳳統領叁陣以署都督僉事管副將事范紹祖統領乃孫繼鳳范紹祖見金士福首衝陣亡不行救援相率潰散據疏稱孫繼鳳失去戰船貳拾壹隻官兵肆百叁拾捌員名火藥銃砲不計查係外委官應行該督撫提問究擬具奏但事在赦前相應免□□行斥逐守備王嗣昌失去兵丁肆拾名相應革職提問查事在赦前應革職免罪外委守備佟國樸失去兵丁伍拾名相應提問究擬查事在赦前應免罪仍行斥逐至副將范紹祖失去戰船叁拾陸隻陣亡兵丁伍名脫逃兵丁肆拾伍名失去大小鐵砲拾陸位銃拾伍門火藥叁千餘斤糧米叁百叁拾餘石相應革職提問究擬查事在赦前亦應免罪革職但該將敗後背城一戰猶能稍挫賊鋒又案查經略輔臣洪承疇於拾年拾貳月內題爲議設水師壹疏請以范紹祖補□廣洞庭湖水師副將臣部覆奉俞旨見在洞庭操練水師始降叁級照舊管事仍令戴罪圖功自贖至把總毛瑞隆領兵脫逃仍行該地方官嚴加緝訪可也謹題請旨順治拾壹年拾月初捌日兵部尙書固山額真臣噶達洪尙書臣張秉貞左侍郎臣李呈祥右侍郎臣黃徽胤啓心郎臣介山臣屈和尙臣劉斗職方清吏司理事官臣吳庫禮臣克盛格副理事官臣察不害臣馬兒奇哈郎中臣楊陞

（此處為模糊不清之文字，疑似為多欄排版的古文，因字跡過於模糊，無法進行準確的逐字轉錄。）

候代浙江福建總督劉清泰密揭帖

欽差總督浙江福建等處地方軍務兼理糧餉兵部右侍郎兼都察院右副都御史今候代劉清泰爲密報海澄負固情形亟請聖裁事順治十一年十月二十二日午時接福建撫臣佟國器密奏疏稿開稱奏爲海逆有負□□生可虞閩省兵餉交絀仰懇□□議以資勦禦事竊惟閩海叛服不常屢煩師旅皇上依同安侯鄭芝龍奏撤兵議撫乃詔使屢頒鄭成功矯命□行如故臣已據內院學士葉成格等九月二十三日報星馳密奏訖詔使在泉一月餘峻却餽遣敬持大體往復傳諭隨機應變冀全撫局可謂不遺餘力矣而成功終無剃髮受撫之意今詔使于九月二十九日從間道回延平臣接手札據鄭蝦等往復廈門回稱鄭成功一云先要四府□□□□水路遊寨未言陸路二則不奉東西調遣三則不受部撫節制恐如姜襄金聲桓等俱以剃髮後激變且未與張明徵議妥又比高麗不剃髮等語近聞發兵數千并軍器海舡二十餘隻從僞兵部及太監往應西賊僞永曆臣計成功語言支吾辭意詭譎不過借安插玩弄以支飾撫局復借撫局游移以攻劫鄉堡據前疏請以浙閩東粵近海各郡與其安插併支糧餉則是付東南半壁于跋扈不臣之手將誰欺乎自去年至今成功派糧索餉大縣不下十萬中縣不下五萬福屬興漳泉焚掠無餘各郡道將有司□□與提督臣楊名高密檄守禦兼行城中雖□瓦全然不無野盡城空之虞營兵月餉取給催徵鄉堡旣以藉寇不得不取給城中士庶以紓庚癸所謂兵竭于外餉匱于內臣已早計及此矣臣滿腔忠憤封疆職守不能奮飛據臣愚見非示之以威則何知有恩非追之以剿則何肯就撫此不易之定理也今各郡營兵僅供城守若大張撻伐以威不軌必藉廟算調發大兵兼議糧餉庶克有濟臣等惟有不愛頂踵艱難拮据以盡瘁封疆已耳憂

心如焚謹具馳報仰懇聖明垂念危疆亟□□勅部密議速覆行臣等遵奉施行等因到職□正繕疏馳奏間本月二十三十^(日)酉時又接撫臣佟國器密奏疏稿開稱奏爲密報海上終不受撫仰祈聖明亟賜睿斷事竊照鄭成功原無投誠歸順之情海上烏集者衆噉噉待食各郡水陸官兵汛守既嚴闌入無從因借撫局以餌我大兵既撤往復奏請成功名爲受授實^(撫)恣剽劫自十年八月至今分布各僞鎮率兵十餘萬蠶食索餉自漳泉興化以及福建省屬邑赤地無餘其慘苦情形屢經臣具^(約缺四字)前矣蒙皇上復差內院學士葉成格等齎勅前來令鄭成功剃頭開讀^(月)八十三日到福州臣從棘闌特出與提督臣楊名高斟酌謀議既定而發檄各道將護送詔使八月二十四日抵泉據學士葉成格等九月二十三日報稱駐泉二十餘日鄭蝦黃徵明李德周繼武遞相往返廈門不下十餘次鄭成功不受詔不剃頭其意如山復遣各僞鎮分布收割民禾仍行其蠶食索餉故智且聞西賊僞永曆差官及□□現在成功處察視動靜其狡謀愈不可測□于十月初一日見報即日同提督臣楊名高密議發兵沿途接應候詔使回省先行具疏馳報伏乞皇上亟賜睿斷迅發大兵以靖危疆等因又爲密報緊急情形事准撫臣咨開十月初一日據葉阿二大人九月二十三日手書內稱李德周繼武自福州起身之後即兼程前進于廿四日抵泉矣鄭蝦黃徵明相繼往安海在泉二十餘日李德周繼武等往返十有餘次鄭成功竟未差一人來未見一定回信至九月十二日黃徵明回□□日鄭蝦亦回又無的信難以久待故于十□□往安海亦未見有差人來十八十九李德黃徵明到言不受詔不剃頭其意如山等語是以二十日回泉也廿一日鄭成功差人來泉投書送禮書內並未言受詔剃頭□字只云業已卜期我等已速其卽來原儀已附回矣今其部下各營頭分割于興泉上下收割民禾四外派餉昨聞調撥船隻往福寧一帶

發官兵從雲霄上廣東又聞西賊僞永曆差官太監在鄭成功處看其遷延不但竟無順意而且舉動甚狡祈將此中情形先卽漏夜馳奏併卽密移總督具疏我等稍俟再有確息旋卽□□此密聞希勿遲緩等因到院准此合就□
□貴部院具疏馳奏煩卽查照施行等因各到職准此該職看得鄭成功抗不剃髮言語支吾前接撫臣手書職已具疏馳報矣今閱該撫密奏疏咨則成功之終不受撫與終不可撫者已不待再計而決矣倘于此而皇上不大張問罪之師亟易撫局而爲剿不但人心日聽其搖惑亦且地方日受其侵凌全閩之事有從此不可問者矣今使臣葉成格等尙未到杭謹先據撫臣疏咨備述密報伏乞□□□□勢危疑至此封疆關係匪輕□□□密行新督臣等預定剿禦之先機以成安攘之善着職雖病廢餘生死可無憾矣職不勝激切待命之至爲此除具奏外須至揭帖者順治拾壹年拾月日